



ALIJA
IZETBEGOVIĆ
M U Z E J

NEWSLETTER

JU Muzej "Alija Izetbegović" Sarajevo

Broj 1/2025



100 godina

*od rođenja Alije Izetbegovića, prvog
predsjednika nezavisne RBiH*



Manifestacija
Mladi Ijiljani
2025.



36.
Internacionalni
sarajevski
sajam knjiga



www.muzejalijaizetbegovic.ba

Povodom obilježavanja 100. godišnjice rođenja prvog predsjednika Predsjedništva Republike Bosne i Hercegovine Alije Izetbegovića

Svečani program obilježavanja 100 godina od rođenja Alije Izetbegovića

U sarajevskoj Vijećnici, 8. augusta 2025. godine, Muzej "Alija Izetbegović" obilježio je stotu godišnjicu rođenja prvog predsjednika Predsjedništva Republike BiH svečanim programom u



okviru kojeg je upriličena premijera dokumentarnog filma "Naslijeđe i vrijeme" autora Emira Kapetanovića Zumbula i istoimene multimedijalne izložbe autora Nervana Dizdara, kustosa u Muzeju "Alija Izetbegović".

Željeli smo podsjetiti javnost na ono što je Izetbegović zaista bio: čovjek snažnih ideja, duboke vjere i moralne čvrstoće, koji ni u trenucima najveće moći nije izgubio osjećaj za ljudskost, niti je u danima najveće nepravde tražio osvetu.

Film reditelja Emira Kapetanovića



Zumbula donosi priču o vremenu stvaranja moderne BiH, kroz lik Alije Izetbegovića i generacije koja je nosila teret najveće odgovornosti.

U sklopu programa prisutnima su se obratili direktorica Muzeja Šejla Cakić Rizvanović, potpredsjednik FBiH Refik Lendo, gradonačelnik Sarajeva Samir Avdić, prof. dr. Ferid Muhić, te narator i protagonist u dokumentarnom filmu Rinko Golubović.

Srdačno se zahvaljujemo svima koji su podržali ovaj događaj i svojim dolaskom odali počast Predsjedniku Izetbegoviću.



Premijera filma

Naslijeđe i vrijeme – film o ljudima, odlukama i vrijednostima jednog presudnog doba



Dokumentarni film “Naslijeđe i vrijeme” donosi ozbiljno i odmjereno svjedočanstvo o vremenu koje je oblikovalo savremenu Bosnu i Hercegovinu – o ljudima koji su nosili odgovornost, o odlukama koje su određivale tok historije, i o vrijednostima koje su tada bile kompas i mjera svega.

U središtu filmske naracije nalazi se Alija Izetbegović, prvi predsjednik nezavisne Bosne i Hercegovine, ali i cijela generacija onih koji su, u godinama rata i međunarodnog priznanja, pokušavali sačuvati dostojanstvo države i naroda. Kroz pažljivo odabrana svjedočenja sudionika ključnih političkih procesa, film razmatra razloge zbog kojih su Izetbegovićeva uloga i njegovo naslijeđe prepoznati i izvan granica ove zemlje.

Film ne nudi konačne odgovore, već poziva na promišljanje i reinterpretaciju naslijeđa koje i danas snažno oblikuje naš pogled na državu, liderstvo i historijsku istinu.

Redatelj: Emir Kapetanović Zumbul
Narator i protagonist: Rinko Golubović



Dani otvorenih vrata u Muzeju

Povodom 100. godišnjice rođenja prvog predsjednika Predsjedništva Republike Bosne i Hercegovine Alije Izetbegovića u subotu 9. augusta i u ponedjeljak 11. augusta 2025. trajali su Dani otvorenih vrata u Muzeju „Alija Izetbegović“.

Ulaz za sve posjetioce je bio besplatan



Izložba “Sjećanja” u Općini Novi Grad


U Galeriji Općine Novi Grad Sarajevo 13. 8. 2025. otvorena je izložba „Sjećanja“, povodom obilježavanja 100 godina od rođenja Alije Izetbegovića, prvog predsjednika Predsjedništva Republike Bosne i Hercegovine. Izložba se realizira u okviru saradnje Općine Novi Grad Sarajevo i JU Muzej „Alija Izetbegović“.

Postavka „Sjećanja“ približava privatni život Alije Izetbegovića kao porodičnog čovjeka – supruge, oca, brata i djeda.

Hronološki koncipirana, na 40 panoa, izložba donosi rijetko viđene originalne dokumente, pisma i porodične fotografije koje je Muzeju ustupila porodica Izetbegović. Obuhvata period od Izetbegovićeve djetinjstva i mladosti, obrazovanja i prvih radnih iskustava, preko društvenog aktivizma i političkog djelovanja, državničkog angažmana i vremena agresije na Bosnu i Hercegovinu, pa sve do povlačenja iz javnog života i preseljenja na ahiret.

Ove godine Muzej “Alija Izetbegović” obilježava 100 godina od rođenja Alije Izetbegovića. Tokom života predsjednik Izetbegović je uvažavan i poštovan u cijelom svijetu kao odvažan lider i državnik, te evropski i islamski mislilac.

Opsežan je spisak nagrada i odlikovanja kojima je Alija Izetbegović nagrađen za poticanje i unapređenje ideja, ljudskih prava, demokratije i mira. Dio tih priznanja izložen je u stalnoj postavci Muzeja “Alija Izetbegović”





Izložba „Sjećanja“ i studentska konferencija o Aliji Izetbegoviću u Bursi

U četvrtak, 29. maja 2025. godine, u turskom gradu Bursa svečano je otvorena studentska konferencija i predstavljena izložba „Sjećanja“ na turskom jeziku.

U okviru programa obilježavanja stote godišnjice od rođenja Alije Izetbegovića u Bursi, Muzej „Alija Izetbegović“ predstavio je izložbu „Sjećanja“ koja kroz pažljivo odabrane arhivske fotografije, lične predmete, porodičnu korespondenciju i nepoznate zapise, otkriva manje poznatu stranu čovjeka iza funkcije.

Domaćini događaja su Općina Yildirim i Univerzitet Uludağ u Bursi. Svečanom otvorenju izložbe prisustvovali su načelnik Općine Yildirim Oktay Yilmaz i rektor Univerziteta Uludağ prof. dr. Feridun Yilmaz.

Događaj je realizovan u saradnji s Fondacijom „Alija Izetbegović“ i Fondom „Bošnjaci“, čiji su stipendisti predstavili autorske radove posvećene životu i djelu Alije Izetbegovića, pod mentorstvom profesora Admira Mulaosmanovića. Ovakvi događaji svjedoče o važnosti očuvanja sjećanja na Aliju Izetbegovića – lidera, mislioca i državnika. Posebno je ohrabrujuće i inspirativno vidjeti koliko poštovanja i interesa njegovo ime i naslijeđe izazivaju i izvan granica Bosne i Hercegovine, naročito u prijateljskoj Turskoj.



Međunarodni dan muzeja i Evropska noć muzeja u JU Muzej „Alija Izetbegović“

International Museum Day
 ICOM International Council of Museums


ALIJA IZETBEGOVIĆ
 M U Z E J

Međunarodni dan i Evropska noć muzeja subota, 17. maj 2025.



Besplatno korištenje VR seta


Interaktivne radionice za učenike uz najavu


Besplatan ulaz radno vrijeme od 9-18h


The Future of Museums in Rapidly Changing Communities

U subotu, 17. maja 2025. godine, JU Muzej „Alija Izetbegović“ pridružila se obilježavanju Međunarodnog dana muzeja i Evropske noći muzeja. Ovaj važan datum je ustanovio Međunarodni savjet muzeja (ICOM), a u Bosni i Hercegovini se obilježava već 20 godina. Ovogodišnja tema je glasila:

„Budućnost muzeja u zajednicama koje se brzo mijenjaju“, i usmjerena je na tri ključne podteme:

- očuvanje nematerijalnog kulturnog naslijeđa,
- osnaživanje mladih,
- prilagođavanje tehnološkim inovacijama

Posjetiocima smo pružili priliku na besplatno korištenje VR seta te da virtuelno dožive ratni kabinet predsjednika Alije Izetbegovića, što pruža jedinstven i autentičan uvid u historijski kontekst iz perioda agresije na Republiku Bosnu i Hercegovinu.

Također, za naše najmlađe posjetioce, za učenike osnovnih i srednjih škola organizovali smo Interaktivne radionice „Upoznaj Predsjednika“ uz pregršt tema.

Srebrenica – 30 godina od genocida



U Sarajevu je 4. jula, u Gazi Husrev-begovoj biblioteci, održan naučni skup “Srebrenica – 30 godina od genocida: Kontinuitet zločina, negiranja i nestali”, u organizaciji JU Muzej “Alija Izetbegović”, Instituta za istraživanje zločina protiv čovječnosti i međunarodnog prava Univerziteta u Sarajevu i Gazi Husrev-begove biblioteke.

Kroz dvastručna panela, okupljeni historičari, istraživači i pravni stručnjaci govorili su o kontinuitetu zločina nad Bošnjacima u srednjem Podrinju, negiranju genocida, nestalim osobama i ulozi etike sjećanja u suočavanju s prošalošću.

Istaknuto je da obilježavanje 30 godina od genocida nije samo čin sjećanja, već i društvena, moralna i akademska obaveza. Srebrenica je dio kolektivnog identiteta, a očuvanje historijske istine i razvijanje kulture sjećanja ostaje trajni zadatak svih odgovornih institucija i pojedinaca.



36. Internacionalni sarajevski **sajam knjiga**



Na 36. Internacionalnom sarajevskom sajmu knjiga, održanom od 9. do 14. aprila 2025. godine, JU Muzej “Alija Izetbegović” u saradnji s izdavačkom kućom EL-KALEM predstavila je izdanja iz vlastite izdavačke djelatnosti. U ponudi su se našle knjige „Islam između istoka i zapada“, „Kratka biografija“, kao i set knjiga Alije Izetbegovića, koji uključuje „Moj bijeg u slobodu“, „Sjećanja“, „Islam između istoka i zapada“ i „Islamska deklaracija“.

Ovom prilikom, želimo se zahvaliti izdavačkoj kući EL-KALEM na ustupanju prostora i omogućavanju da Muzej ponovo bude dio ovog značajnog kulturnog događaja.



Službena posjeta ambasadora R. Turske NJ.E. gđin. Emin Akseki

U četvrtak, 24. jula 2025. godine, imali smo čast ugostiti ambasadora Republike Turske u Bosni i Hercegovini, Nj.E. gospodina Emina Aksekija.

Tokom posjete, uvaženom ambasadoru je predstavljena stalna muzejska postavka, a u srdačnom razgovoru važna tema bili su i aktuelni projekti Muzeja. Poseban akcenat stavljen je na snimanje dokumentarnog filma o Aliji Izetbegoviću, u kojem će ambasador Akseki uzeti aktivno učešće.

Ovom prilikom srdačno se zahvaljujemo delegaciji Ambasade Republike Turske na posjeti kao i na podršci u radu Muzeja Alija Izetbegović.





Službena posjeta ambasadora Palestine i predsjednika Fondacije „Yasser Arafat“ Muzeju Alije Izetbegovića

U utorak, 29. aprila 2025. godine, Muzej „Alija Izetbegović“ imao je veliku čast i zadovoljstvo ugostiti Nj. E. Rezeqa Namooru, ambasadora Države Palestine u Bosni i Hercegovini, predsjednika Upravnog odbora Fondacije „Yasser Arafat“ iz Palestine, dr. Ahmeda Soboha, te predstavnike Fondacije „Alija Izetbegović“, predsjednika Upravnog odbora, g. Zijada Ljevakovića, te članove gđu. Sabinu Berberović i g. Farisa Nanića.

Ova posjeta bila je prilika da se podsjetimo na dva velikana, Aliju Izetbegovića i Yassera Arafata. U teškim vremenima za svoje narode, ovi lideri nisu odustajali od svojih uvjerenja. Njihova borba je bila vođena težnjom da društvo bude utemeljeno na pravdi, slobodi, istini i ljudskom dostojanstvu. Ovakvi susreti nas podsjećaju na važnost očuvanja sjećanja na ove velike ličnosti, ali i na potrebu da nastavimo graditi vrijednosti za koje su se oni borili.

Posjeta predsjednika Parlamenta R. Sjeverne Makedonije

Dana 11. jula 2025. godine, JU Muzej „Alija Izetbegović“ posjetio je predsjednik Parlamenta Republike Sjeverne Makedonije, Nj. E. g. Afrim Gashi. Posjeta je realizovana u okviru njegove zvanične posjete Bosni i Hercegovini, tokom koje je učestvovao i u obilježavanju 30. godišnjice genocida nad Bošnjacima u Srebrenici.

Tokom boravka u muzeju, gđin. Gashi se upoznao s muzejskom postavkom posvećenom životu i političkom djelovanju Alije Izetbegovića, prvog predsjednika Predsjedništva Republike Bosne i Hercegovine. Posjeta je protekla u srdačnoj atmosferi i konstruktivnom razgovoru o historijskom značaju lika i djela Alije Izetbegovića.

Zahvaljujemo se gđin. Gashiju na interesovanju, ukazanom poštovanju i dolasku u Bosnu i Hercegovinu na izuzetno važan datum za našu zemlju, kao i na iskazanoj spremnosti da kroz posjetu muzeju oda priznanje naslijeđu predsjednika Izetbegovića.



Službena posjeta ambasadora Države Katar u Bosni i Hercegovini

Imali smo čast ugostiti Nj.E. Meshaala bin Alija Al-Attiyaha, ambasadora Države Katar u Bosni i Hercegovini, koji je službeno posjetio JU Muzej „Alija Izetbegović“. Ambasadoru je predstavljena stalna muzejska postavka koja prikazuje život i naslijeđe prvog predsjednika Predsjedništva Republike Bosne i Hercegovine, Alije Izetbegovića. Također, razgovarali smo o aktivnostima i projektima na kojima Muzej radi s ciljem očuvanja kulturne i historijske baštine naše zemlje.



Posjeta Komisije za sport i kulturu pri Skupštini Kantona Sarajevo

Imali smo čast ugostiti članove Komisije za sport i kulturu pri Skupštini Kantona Sarajevo. U ime domaćina, goste su dočekali direktorica Muzeja Šejla Cakić Rizvanović i kustos Nervan Dizdar, a među prisutnima bili su članovi Komisije: Marijela Hašimbegović, Almir Vražalica, Samir Avdić, te sekretarka Edina Zukić.



Tokom posjete, razgovaralo se o



radu muzeja, trenutnim i budućim projektima, te svakodnevnim aktivnostima. U srdačnoj i konstruktivnoj atmosferi razmijenjena su mišljenja, iskustva i korisni savjeti. Poseban akcenat stavljen je na izazove sa kojima se Muzej suočava, kao što je npr. problem kadrovske dekapacitiranosti, kao i potrebu za dodatnim galerijskim prostorom u centralnom dijelu grada koji bi bio adekvatan za mobilne izložbe, promocije knjiga, radionice sa učenicima, prezentacije dokumentarnih filmova i sličan sadržaj, čime bi se ostvario dodatni interaktivni pristup sa publikom.

Obzirom da se 2025. godine obilježava 100. godina od rođenja prvog predsjednika Predsjedništva Bosne i Hercegovine Alije Izetbegovića, predstavljeni su i planovi za obilježavanje ovog važnog jubileja kroz niz aktivnosti i sadržaja koje će Muzej realizovati.

Obilježavanje 1. marta - Dana nezavisnosti BiH



JU Muzej "Alija Izetbegović" obilježio je 1. mart – Dan nezavisnosti Bosne i Hercegovine tradicionalnom manifestacijom "Mladi Lijani", koja je održana u prostorijama Bošnjačkog instituta – Fondacija Adila Zulfikarpašića.

Prisutnima su se obratili prof. dr. Enver Imamović, Šejla Cakić Rizvanović, direktorica Muzeja "Alija Izetbegović", te mr. sci. Kanita Granov, članica Komisije za odabir najuspješnijih literarnih radova.

U sklopu programa uručene su nagrade i priznanja učenicima osnovnih i srednjih škola koji su ostvarili najuspješniji rezultat na 13. konkursu za najbolje literarne radove osnovnih i srednjih škola. Muzejske edukativne aktivnosti pružaju priliku mladima da izraze svoje misli, ideje i umjetničke sposobnosti kroz pisanu riječ i likovni izraz.

Posebna priznanja dobili su i učesnici likovne radionice "Moj bijeg u slobodu", a njihovi radovi su izloženi u prostoru Bošnjačkog instituta.

Pored dodjele nagrada, program je obogaćen prigodnim muzičkim i glumačkim nastupima, koji su dodatno podsjetili na vrijednosti slobode i nezavisnosti naše zemlje.

JU Muzej "Alija Izetbegović" zahvaljuje se svim učesnicima manifestacije, direktorima, profesorima, nastavnicima, učenicima kao i drugim predstavnicima obrazovnih institucija koji su svojim prisustvom uveličali obilježavanje ovog važnog dana.

Sretan 1. mart – Dan nezavisnosti Bosne i Hercegovine!





Moja priča.



ALIJA
IZETBEGOVIĆ
M U Z E J